



REPUBLIKA E KOSOVES/REPUBLIKA KOSOVO/REPUBLIC OF KOSOVO
KOMUNA RAHOVEC/OPŠTINA ORAHOVAC/MUNICIPALITY RAHOVEC
KABINETI I FYETARIT TË KOMUNES/KABINET PREDSEDNIKA OPŠTINE/MUNICIPAL MAYOR'S CABINET

Njësia Nr./Br./No 02(Kabineti i Kryetarit të Komunës)
Nr./Br./No 2758 Nr. i faq./Br.str./No.pg 47
Data/Datum/Date 29 / 9 / 2022
RAHOVEC / ORAHOVAC

Procesverbal i konsultimit publik për Planin e Menaxhimit të Mbeturinave 2021-2025 në Salla e Kuvendit

INFORMATË RRETH NJOFTIMEVE

Njoftimi për organizimin e konsultimit publik për Planin e Menaxhimit të Mbeturinave, u publikua me datë: 11.8.2022 në ueb faqen e komunës së Rahovecit , në këtë vegëz: <https://kk.rks-gov.net/rahovec/wp-content/uploads/sites/23/2022/08/NJOFTIM-PUBLIK-PLANI-I-MENAXHIMIT-TE-MBETURINAVE.pdf> në harmoni me afatet ligjore që i përcakton Udhëzimi Administrativ, si vijon:

Në mbështetje të nenit 68, paragrafi 68.1 i Ligjit Nr.03L-40 për Vetëqeverisje Lokale të Republikës së Kosovës (Gazeta zyrtare e Republikës së Kosovës Nr.28/2008), nenit 17 dhe nenit 18 paragrafi 1, pika 1.7, të Statutit të Komunës së Rahovecit Nr. 1005, të datës: 29.03.2017, Udhëzimit Administrativ (MAPL) Nr.06/2018 për Standardet Minimale të Konsultimet Publike në Komuna, drejtoria për shërbime publike, organizon konsultim publik për Planin e Menaxhimit të Mbeturinave 2021-2025.

Njoftimi përveç që është publikuar në uebfaqe të komunës, në Platformën për Konsultime Publike, në rrjetin social Facebook, njoftimi u është dërguar edhe kryetarëve të këshillave të fshatrave dhe lagjeve urbane përmes rrjeteve sociale Viber dhe WhatsApp.

Konsultimi Publik për Planin Komunal për Menaxhim të Mbeturinave u mbajte më: 29.8.2022 në Sallen e Kuvendit Komunal Rahovec, me fillim nga ora 13:30

Takimin e shpalli të hapur Drejtori për Shërbime Publike, z. Perparim Krasniqi i cili përshëndeti gjithë të pranishmit dhe i falenderoi për pjesëmarrjen, njoftoi të pranishmit rreth objektivave, qëllimeve, inkasimit e deri te menaxhimi sa me i mirë i mbeturinave në komunën tonë duke e trajtuar në detaje komunën si ekologjike.

Elmi Popaj, përfaqësues i fshatit Fortesë: Përshëndetje të gjithëve, i nderuar drejtor desha të ju pyes se a janë te përfshirë te gjithë qytetarët në mbledhjen e mbeturinave duke e ditur se ende ka persona që hedhin mbeturina vend e pa vend. Poashtu kërkoj një përfshirje më të madhe të inspektoratit sepse ka hudhje të mbeturinave kudo nga ana e qytetarëve duke përfshirë edhe hudhjen e mbeturinave te lumi në mes të fshatit.

Perparim Krasniqi, drejtor i shërbimeve publike: Përveç inkasimit dhe zgjerimit kemi pasur disa raste në ankesë për çështjen e barazimit për shkak të ndërrimit të kompanisë për mbledhjen e mbeturinave, ajo qeshtje është përfunduar, po ashtu po shpresojmë te bëjmë zgjidhje në vjeshte për pastrimin e lumit duke e ditur se ka vegjetacion dhe ka filluar të ngushtohet edhe për shkak të hudhjeve ilegale të mbetjeve inerte.

Selajdin Gashi, kryetar i këshillit të fshatit Çifllak: Përshëndetje drejtor dhe për gjithë ju të pranishëm, kërkoj angazhimin e inspektoratit duke mbrojtur pjesën e parcelave përreth Drinit të Bardhë për shkak të pakujdesisë dhe hudhje të mbeturinave ani pse komuna çdo vit ka eliminuar këto deponi ilegale.

Po ashtu kërkoj një përgjegjshmëri më të madhe nga ana e kompanisë që mbledh mbeturina që lëngu i cili krijohet gjatë mbledhjes së këtyre mbeturinave po derdhen nga mjetet që transportojnë këto mbetje. Kërkojmë një listë të atyre që nuk po paguajnë mbeturina që te evidentojmë kush po hedhë mbeturina në rrugë.

Perparim Krasniqi, drejtor i shërbimeve publike: Çdo vit Komuna e Rahovecit ka bërë pastrimin dhe ndërgjegjësimin për këtë pjesë ku ju jeni duke folur, po ashtu bëjë thirrje tek ju dhe çdo qytetar që ka informatë për hedhjen e mbeturinave të lajmërohet në inspektorat. Tek qeshtja e përgjegjësisë si dhe te hedhja e lëngut, komuna jonë sidomos gjatë sezonës verore duhet të përdorin kompostimin ku vetëm vitin e kaluar komuna jonë ka bërë shpërndarjen e 300 komposterëve për trajtimin e produkteve bimore të lëngshme.

Mentor Veliu: Disa informata shtesë rreth inkasimit dhe vështirësive që kanë pasur në zgjerim nga ana e kompanisë KRM Ekoregjioni sidomos në zgjerim të tre fshatrave Fortesë, Xërxë dhe Zatriq.

Naser Dula, profesor i muzikës: Ju përshëndes të gjithëve, ju përgëzojm për punën e deritanishme sa i përket menaxhimit komuna e Rahovecit është për çdo lavdat lidhur me kompanitë që operojnë për mbledhjen e mbeturinave

Perparim Krasniqi, drejtor i shërbimeve publike: Faleminderit profesor, poashtu po e shfrytëzoj rastin të ju njoftoj se komuna e Rahovecit ka fituar donacione lidhur me organizimin e aktiviteteve për mjedis të pastër, ka bërë shpërndarjen e 6500 kontejnerave 120L si dhe 300 kontejner 1m3.

Kujtim Sopjani: Të nderuar të pranishëm, i nderuar drejtor ju përshëndes të gjithëve, unë po kërkoj që të përfshihen të gjithë qytetarët në regjistrim sepse kohë pas kohe po krijohen mbeturina në vende ku nuk duhen.

Avni Morina, drejtor i arsimit: Përshëndetje për të gjithë të pranishmit, kërkoj nga prezentuesi i planit që të n'a informojë më shumë për planet e reja.

Perparim Krasniqi: ky plan tregon objektivin, ndarjen në burim, deri te riciklimi poashtu edhe pritet në vitet në vazhdim edhe procedura për inaksimin e mjeteve të taksës për mbeturina nga komuna.

Selajdin Gashi: Përshëndetje të gjithëve, unë po kërkoj angazhim shtesë të inspektoratit në teren.



Afrim Krasniqi, përfaqësues i fshatit Pastasel: Unë kërkoj që të merren më shumë masa për hedhjen ilegale të mbeturinave inerte sidomos në kanale të ndryshme.


Ismet Kastrati, përfaqësues i fshatit Zatriq: Kërkoj që të largohen inertet dhe sa i përket menaxhimit jam shumë i knaqur me shërbimet e kompanisë.

Ju faleminderit për pjesëmarrjen tuaj!

Takimi përfundoi në ora 14:42





Blerita Gashi

Zyrtare për Informim

Rahovec, shtator 2022